

寓

意

編

都
穆
撰

中
華
書
局

寓意編

叢書集成初編所選學海類
編及奇晉齋叢書皆收有此
書奇晉據曹溶家藏善本入
梓學海爲曹溶輯本故據學
海排印

寓意編

明 吳郡都 穆元敬撰

李少卿貞伯藏懷素酒狂帖。後有楊凝式鑑定。王晉卿跋山谷題名。是光福士人家物。非真跡。歐陽五老圖。在崑山朱氏。朱蓋五老之一。兵部郎中貫之後。御史天昭出以示予。圖有錢明逸序。歐陽公司馬公而下。詩皆不存。今存唯南宋及元人題跋。

常熟劉以則家藏有小李將軍落照圖。宋祕府物。舊藏於崑山道士黃元微。永樂初。人皆有疾。元微者告其收買王子澄書畫。幾至不測。爲此圖也。後劉氏購得之。

以則藏又有釋夢休風竹圖。六字宋徽宗御書。有內府圖書印。趙雍題名。

張長史宛陵帖。李西臺蘇才翁跋。江陰卞氏物。非真跡。

沈丈啓南藏。胡繁番騎圖。郭忠恕雪霽江行圖。上有徽宗御書。雪霽江行圖。郭忠恕真跡十字。謝

康樂半身像。碧玉冠
藍衣

蘇滄浪蔡端明蘇文忠文定山谷海岳諸賢遺墨共一卷。宋人摹周文矩宮

中圖一卷。有紹興時澹巖跋。山谷書老杜律詩二首。大字真。文正秦淮海海岳樓攻媿楊慈湖諸

賢手帖一卷。蘇文忠前後赤壁賦李龍眠作圖。隸字書旁注。云是海岳共八節。唯前賦不完。龍眠

畫女孝經四章。每章亦龍眠書。林和靖與僧二帖。蔡端明自書絕句詩。海岳自書詞一卷。李

忠定、張忠獻、趙忠簡、呂忠穆、李莊簡、五公手札一卷。蔡、蘇、黃、米、真跡一卷。張忠獻父子與虞丞相劄子。山谷書馬伏波廟詩一卷。大字。谷自有跋。趙子昂臨伏生授書圖。描白。鄧侍郎、程雪樓、徐子方、盧疏齋諸公詩。

嘉興王廷槐藏張長史春帖云：春草青青千里餘，邊城落日見離居。情知海上三年別，不寄雲間一紙書。

白麻紙真迹嘗入宋祕府。宋元人題名并跋甚多。

趙子昂秋江待渡圖。青綠長幅。旁細書官銜云：爲叔固公摹。李叔固也。上有張天雨詩：常熟陳原錫家物，後丹

客得之，以售郡人沙生，二十五千，歸洞庭人家。

宋陳居中蘇李泣別圖。居中番馬圖。李迪猿三軸，皆南京人家藏。

湯叔雅霜入千林圖一卷。前梅後蘭。在皇甫氏。叔雅自題其後云：予作此圖，七載而就，所謂能事不受相迫

促也。

崑山黃應龍藏。吳傳朋游絲書。宋高宗賜岳武穆手詔。近被人竊。金顯宗雨竹，上有張疇齋跋。

城西張氏藏鍾元常薦焦季直表，上有畫錦堂米芾、賈似道等印。元人跋云：是宋僧存此山物。又薛紹彭四帖、元張伯雨藏趙松雪金蕉壁跋，後伯雨歸倪雲林二物，今在石田翁家。李少卿近跋鍾書，定爲真迹，予不敢以爲然也。

宋迪瀟湘八景圖一卷，每幅有印文曰：雲谷寓物。宋徽宗畫貓上書云：賜貫，有御印。蓋徽宗畫以賜童

貫者。東坡笠屐圖。軸小已上三畫。雍熙寺僧藏。祕不以示人。予嘗讀書寺中。屢懇于僧。故獲見之。

宜興尹氏藏褚摹禊帖。中縫折處。鈐墨寶小印。後翰林學士承旨。中書舍人蘇易簡詩云。有若象夫子。尙興闕里門。虎賁狀蔡邕。猶傍文舉尊。昭陵自一閱。真迹不復存。予今獲此本。亦可比瓊瑤。復有范文正蔡君謨。裴煌。馮當世跋。富鄭公。梅都宮。呂汲公。蘇氏兄弟。米海岳。諸公題名。小米鑑定。此卷後歸陳祭酒緝熙。祭酒沒。燬于火。

朱性父藏老米臨黃庭經。今歸石田翁。虞丞相允文手帖。今歸黃應龍。又有虞文靖公楷書金剛經一卷。寧波人謝某藏。文丞相書其遠祖敬齋先生論蘇章事。并丞相跋。字約千餘。行草稱後學文天祥書。無印章。後有王伯厚題語。

吳江史文明古藏。唐趙模集晉字千文。褚河南書文皇哀册文。硬黃紙。米友仁鑑定。歐陽率更步

窠帖。疑是臨本。元郭天錫藏。後入楊東里家。郭楊家有跋。陸冕昭君圖。僧巨然山水。幅大蔡端明八帖。

洪興祖范大跋。胡珵等題名。韓熙載夜宴圖。宋賢語帖一卷。李西臺。周益公。胡三衡。文文山而下。

九十八人。李龍眠九歌一卷。王佚老二帖。大字宋人畫文姬歸漢圖。朱文公與十六郎帖。行賁尙書。楊

鐵崖跋。宋孝宗賜虞丞相手詔。趙千里福祿壽三星圖。幅長千里春江待渡圖。幅小郭熙祝壽一望松圖。

長趙子固書梅竹詩三首。有趙子。葉士則。董楷跋。陳居中五馬圖。元張師道書木蘭花慢詞一卷。

後元人題識。錢舜舉垂絲海棠。又班姬題扇圖。舜舉皆賦詩其上。子昂臨大令帖。并自書詩一卷。

子昂書歸去來詞一卷。鮮于伯幾自書詩文一卷。小有鄧文肅、龔子敬、跋子昂人馬圖。自有跋。并元人詩跋。溫日觀葡萄、黃大癡溪山圖。有王國器詞、倪雲林跋。子昂秋江煙靄圖。吳仲圭擬范寬雪峯蕭寺圖。長周伯溫四體千文卷。前畫伯溫小像。門人蔣冕侍立。旁有自贊。蓋周公書以貽冕者。冕吾郡人。亦精篆書。

史文復有薛尚功摹鍾鼎款識真迹二十卷。後題云。嘉熙三年冬十有一月望後十一日。外孫朝請郎新知臨江軍事楊伯岳拜觀于廿四叔外翁書室。後二十年。弁陽周密得之外舅泳齋書房。趙孟頫鑑定。白野不華、周伯琦題名。張伯雨、柯九思跋。此帖舊爲吾鄉沈雄仲藏。雄名洪。元巨室號萬三之後。善草隸書。老而貧。故史氏得之。成化戊申。予館授史氏。九月。其家火作。書畫多付煨燼。惟此帖及歐褚趙摹書數卷獨存。寶鬼神固衛之邪。

東坡謝陳后山惠巾詩一首。上有大方印曰。趙郡蘇氏。江陰薛堯卿藏。

文路公半身像。周元公半身像。文文山半身像。上有吳孟思篆書。文山自贊。倪雲林小像。坐牀上。

馮几左一童子奉朱拂。右侍姬提盥頰之器。已上四像。觀于濂溪坊周氏。

南京梁中書藏陸宣公書陸士衡文賦。小字章草予不曾見。

劉僉憲廷美藏僧巨然赤壁雪屋會琴二圖。有金趙閒閒諸人詩。又高克明山水一卷。宋祕府物。今皆歸沈氏蓋僉憲長子石翁之姊夫也。

鄭所南墨蘭。自題詩云。一國之香。一國之殤。懷彼懷王。于楚有光。所南宋太學生。而不仕元。其畫蘭獨不畫土。人問其故。答曰。土爲番人奪去。近朱堯民陪予觀于夏侯橋沈氏。堯民云。是韓蒙菴家物。

松江人攜示陸放翁自書詩一卷。

大字行

詩凡七首。今見其集中。字畫遒勁。山陰杜思永跋。

馬主事抑之。藏顏魯公爭坐位帖。上有賈似道印。在元入袁文清公家。公跋云。坐位帖眞蹟。在京兆安氏。嘗刻以傳世。吳中復守永興。謂安氏石本未盡筆法。因再摹刻。安氏析。坐位帖迺割爲二。此帖至僕射指下。平分爲兩。以石刻較之。正居其半。蘇公見安師文時。帖尙全。嘗手搨數十本。遂大進。余嘗得坡公搨本。无毫髮失真。米襄陽少年。亦嘗臨之。此卷筆法。絕類米老。往見乞米帖子。子昂。子印。以重資得之。心有疑而不敢言。今得此帖。紙色行墨絕相類。遂定爲米老所臨無疑。至治二年秋七月。榜記。後復書云。予歸眞後。蘇本付瑾。米本付瑾。免安氏兄弟之誚。按米氏書史云。爭坐位帖。在顏最爲傑思。年少時臨一本。不復記知所在。後二十年。謝景溫尹京云。大豪郭氏分。內一房欲此帖。至析八百千。衆乃許。取視之。縫有元章戲筆字印。中閒筆氣甚有如予書者。面諭之。乃云。家世收久。不以公言爲然。觀袁跋及書史。此帖其眞是邪。

楊補之自書詠梅柳稍青詞十首。補之門人徐禹功畫梅。趙子固跋。并元人詩跋。共一卷。袁泰戒卿新收。云宜興僧寺物也。

崑山頂方伯家有朱文公李泰發二帖。泰發名光。宋參知事。卒諡莊簡。後人跋其帖。見有光字。遂以爲司

馬公筆可發一笑。

史丈新收顏魯公劉中使帖凡四十一字行白湛淵鮮于樞田師孟跋是嘉興物。

盧廷璧藏 小李將軍踏錦圖。長幅上有范寬臨落照圖小文與可墨竹三幅絹攢上有大方印曰。

文同與可。米元暉湖山煙雨圖一卷有元暉自題黃松瀑戴九靈詩跋今歸袁戒卿金玉黃華書。

絕句詩一卷詩凡七首。大行廷璧嗜茶成癖號茶菴嘗蓄元僧詎可庭茶具十事時具衣冠拜之。

杭州董氏藏龍眠西園雅集圖一卷。著色又一好事家藏馬遠畫宋南薰殿屏障。淺色皆許國用說蓋國用

亦杭人親見之也。

裱背孫生家有人寄賣三官像三軸每軸下有大方印曰姑蘇曹迪孫生嘗求鑑石田翁翁云是李高筆。

曹氏蓋收藏者又元初人臨閣立本水月觀音像一軸上有馮海粟詩跋與三官像皆索賈太高經年

不售。

老米朱樂岡摹表一卷非真迹是劉以則家物今在吳江張氏。

王醫士家藏其遠祖唐水部郎中榮宋著作先生蘋畫像著作程門高弟也。

又藏老米茗溪春曉圖燕穆之楚江秋曉圖皆妙。

宋黃巖叟李樂菴梁克家趙令時范石湖李泰發諸賢手帖一冊劉食憲家藏。

山谷書漢陰真君詩一卷馬主事家物谷有跋云中州天都山僊都觀朝金殿西壁有天成四年人書陰

眞君詩三章。予同年許少張以爲眞漢人文章也。偶得佳紙。爲鈔此詩。與王濬州之季子。紹聖四年四月丙午。黔中禪月樓中書。

海鹽張黃門靜之藏顏魯公祭姪文。某卿子史丈親見。爲予說。

黃大癡天池石壁圖。眞本在陳處士孟賢家。上有柳道傳詩。下錢翼之收藏印。又王叔明偕宗密雪圖。亦在陳氏。近二十千歸嘉興姚御史。已遭回祿。

陳唯允僊山圖。

緣青

有倪雲林跋。相傳唯允畫以壽潘左丞者。左丞張士誠姊婿。惟允時爲張氏參謀。且

左丞客也。又唯允溪山秋霽圖一卷。后元人詩跋甚多。皆陳氏藏。蓋孟賢唯允諸孫云。

遼東蕭黃門文明藏宋錢文僖鄒忠公任伯雨而下二十一帖。

李少卿嘗爲郎中。奉使湖湘。道過江西。于石亭軸眞字。大可數寸。學顏魯公。惜無神氣。

宜興徐閣老藏東坡乞居常州奏狀。楷小謝采伯跋。徐公嘗以李少卿所藏楚頌帖與此帖共摹刻石。

王叔明摹王維劍閣圖。佳。小在張太守起詔家。

李少卿有文與可畫竹。上坡翁詩一律。後元人跋。

宋陳亞之自書詩一卷。亞之。后司馬公蘇氏兄弟跋。王廷槐藏。

侍郎吳公原博藏。唐林藻深慰帖。宋祕府物。五代胡環蕃族圖。南唐周文矩詩意圖。宋許道潛溪山風雨圖。宋人畫聚禽圖。后有紹興小印。宋人畫德星圖。后有朱子門人胡泳跋。宋末藏周

公謹家。宋錢舜舉秋巖行旅圖。元趙子俊蕭翼賺蘭亭圖。

無錫鄒氏藏許道甯秋山晴鶴圖。元柯九思家物。

李後主重屏圖。後有宋人書白樂天及荆公詩。元滕玉霄詞。楊儀部藏。楊致仕回問之。則已贈京師人矣。懷素草書千文一冊。顧少參崇善藏。云得之河南民家。

江陰葛維善藏千里明皇幸蜀圖。小冊。易元吉猿。

五代楊凝式書神仙起居法。草字真跡。小米鑑定。上有永興軍節度使印。及賈丞相悅生圖書。郡人王氏收

藏。

范文正公書伯夷頌。黃素小楷。宋元名人題識甚多。世謂首陽之節。韓子之文。與文正之書。同爲三絕。范氏

子孫嘗摹以刻石。真跡今藏義莊。

松江曹涇楊氏藏。唐韓幹神駿圖。南唐王齊翰勘書圖。上有李後主建業文房之印。宋徽宗御題。及


眉山兩蘇王晉跋。蔡蘇黃米真跡一卷。宋徽宗翎毛寫書圖。橫卷。長幾一丈。宋陸放翁自書詩一卷。

宋夏圭千巖競秀圖。元錢舜舉竹溪六逸圖。元趙子昂袁安臥雪圖。

郡城湯氏藏。南唐董源風雨出鰲龍圖。宋祕府物。嘗入賈丞相家。宋李嵩龍宮海藏圖。

歐陽公寄蘇子美詩真跡。姚少師嘗爲僧洪武中。住北平慶壽寺。得此帖于戊卒家。少師自有跋。今藏于其孫廷用。

予家自高祖南山翁以來。好蓄名畫。聞之家君云。妙品有吳道子魚籃觀音像。王摩詰網川圖。范寬袁安臥雪圖。惜今不存。予近所收。有唐人畫牛圖。滕玉霄白廷玉詩。李升畫楊通老移居圖。龍眠畫君臣故實八事。虞伯生跋。馬興祖胡人擊毬圖。又胡人雪獵圖。馬遠折枝榴花梔子。幅小李唐春江不老圖。幅小上有雙龍瓢印。王珣蘆鴈。宋人畫福星圖。皆往往爲好事者所得。不畱意也。



都穆字元敬。蘇州人。仕至太僕少卿。清修博學。網羅舊聞。考訂疑義。多所著述。好遊山水。雖居官。曹奉使命。有閒卽臨賞名勝。騁其素懷。所得必撰一記。輯成巨帙。又廣錄古金石遺文。爲金薤琳琅集。齋居蕭然。樂奉賓客。銜杯道古。以永終日。不植生產。或至屢空。輒笑曰。天地之間。當不令都生餒死。日安如也。文簡古有法。詩雖過爾冲泊。竟非俗韻。顧璘書。